



MEMORIA XUSTIFICATIVA E ECONÓMICA PARA A CELEBRACIÓN DO CONVENIO DE COLABORACIÓN ENTRE A XUNTA DE GALICIA E O COLEXIO OFICIAL DE ARQUITECTOS DE GALICIA PARA A INTEROPERABILIDADE ENTRE O PROCEDEMENTO DE TRAMITACIÓN DE TRABALLOS PROFESIONAIS DO COLEXIO OFICIAL DE ARQUITECTOS DE GALICIA E O PROCEDEMENTO DE TRAMITACIÓN DE LICENZAS E OUTRAS TRAMITACIÓNS URBANÍSTICAS DAS DISTINTAS ADMINISTRACIÓNS PÚBLICAS A TRAVÉS DO NODO DE INTEROPERABILIDADE DA XUNTA DE GALICIA, ASÍ COMO ESTUDIAR AS OPCIÓNS PARA O DESENVOLVEMENTO DA PLATAFORMA URBANÍSTICA DIXITAL DE GALICIA

1. Competencia

A consellería de Medio Ambiente, Territorio e Vivenda, creada polo Decreto 88/2018, do 26 de setembro, polo que se establece a estrutura orgánica da Xunta de Galicia, en virtude do establecido na súa Disposición transitoria primeira e no apartado m) do artigo 13º.1 do Decreto 42/2019, do 28 de marzo (DOG núm.79 do 25 de abril) polo que se establece a estrutura orgánica da consellería, ten atribuída a competencia para o exercicio das funcións encomendadas pola Lei 2/2016, do 10 de febreiro, do solo de Galicia, ou norma que a substitúa.

A Axencia para a modernización tecnolóxica de Galicia (AMTEGA) é a axencia pública autonómica que, de acordo co Decreto 252/2011, do 15 de decembro, ten por obxecto a definición, o desenvolvemento e a execución dos instrumentos da política da Xunta de Galicia relativa a tecnoloxías da información e comunicacións, así como a innovación e o desenvolvemento tecnolóxico e, en concreto, o impulso, xestión e coordinación da Administración electrónica, como elemento indispensable para a modernización da Administración pública, así como a interlocución e regulación de acordos con outras administracións ou órganos en relación co emprego dos sistemas de información corporativos da Xunta de Galicia ou da súa interconexión con estes.

O Colexio Oficial de Arquitectos de Galicia é unha Corporación de Dereito Público con personalidade xurídica propia e plena capacidade para o cumprimento dos seus fins (Lei 2/1974 de Colexios Profesionais e art.4 Lei 11/2001 de Colexios da Comunidade Autónoma de Galicia e art. 1.2 dos vixentes Estatutos do COAG). Dentro dos seus fins e funcións están os de colaborar coas Administracións Públicas no exercicio das súas competencias nos termos previstos na lexislación vixente (arts. 8.1 d) e 9 r) Lei 11/2001 de Colexios da Comunidade Autónoma de Galicia) así como realizar as prestacións de interese xeral propias da Arquitectura e do Urbanismo que considere oportunas ou que lle encomenden os poderes públicos conforme á lei (art. 5 f) dos seus estatutos). A tal fin pode subscribir convenios de colaboración coas Administracións Públicas





no ámbito da Comunidade Autónoma para a realización de actividades de interese común e, especialmente, promover actuacións orientadas á defensa e dinamización do interese público.

2. Antecedentes

No ano 2011 a Xunta de Galicia e o Colexio de Arquitectos desenvolveron un primeiro mecanismo de interoperabilidade piloto para o intercambio da documentación técnica de traballos profesionais. Estes mecanismos xa desenvolvidos, coa correspondente adaptación e actualización, poden ser a base sobre a que se materialicen desde o punto de vista tecnolóxico os obxectivos deste convenio de colaboración.

Na actualidade pretende ampliarse o contido desta colaboración en orde a facilitar e axilizar a tramitación de licenzas de proxectos que requiran recadar informes ou autorizacións previas de competencia autonómica, apoiados nas posibilidades que ofrecen os mecanismos de interoperabilidade entre administracións, tutelados no caso da Xunta de Galicia, pola Axencia para a modernización tecnolóxica de Galicia.

Por outra banda, a disposición adicional primeira da Lei 2/2016, do 10 de febreiro, do Solo de Galicia (LSG) preveu o desenvolvemento pola Comunidade Autónoma dunha Plataforma Urbanística Dixital que facilite a participación nos procedementos de planificación e que posibilite a tramitación integral dos instrumentos de planeamento urbanístico.

3. Finalidade

Tendo en conta a sintonía de obxectivos entre a Xunta de Galicia e o Colexio Oficial de Arquitectos de Galicia (COAG) en relación coa interoperabilidade administrativa e a optimización dos procedementos de tramitación, tense previsto que a Xunta de Galicia formalice co COAG un convenio de colaboración que abrangue tres anos dende a data da súa sinatura, prorrogable ata un máximo de dez anos.

4. Obxecto

O obxecto do presente convenio é procurar a interoperatibilidade entre o procedemento de tramitación de traballos profesionais do Colexio Oficial de Arquitectos de Galicia e o procedemento de tramitación de licenzas e outras tramitacións urbanísticas das distintas administracións públicas a través do nodo de interoperabilidade da Xunta de Galicia, así como estudar as opcións para o desenvolvemento da Plataforma urbanística dixital de Galicia.





5. Fundamentos do instrumento convencional

Como resultado da colaboración conxunta entre a Consellería de Medio Ambiente, Territorio e Vivenda, a Axencia para a modernización tecnolóxica de Galicia e o Colexio Oficial de Arquitectos de Galicia (COAG), preténdense acadar os seguintes obxectivos:

- Incrementar o nivel de interoperatividade entre administracións xa que logo o COAG remitirá a documentación relativa a traballos profesionais a un nodo neutro na sede da Xunta de Galicia co obxecto de recadar os informes e autorizacións autonómicas previas a licenzas que proceda.
- Posibilitar a normalización, axilización e simplificación da tramitación administrativa de licenzas e outras tramitacións urbanísticas o que redunda en interese público das Administracións Públicas e da cidadanía.
- Avanzar no estudo e definición conxunto da Plataforma urbanística dixital de Galicia definida na Disposición adicional primeira da Lei 2/2016, do 10 de febreiro, do Solo de Galicia.

6. Obrigas económicas

Non constan no presente convenio obrigas económicas para ningunha das partes asinantes.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público.

Para a tramitación do convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura.

A directora xeral de Ordenación do Territorio e Urbanismo

María Encarnación Rivas Díaz (documento asinado dixitalmente)

